

一事而數美備焉僕曰若是乎其不可以已耶於
焉鳩工興築建大成殿於山椒開泮池於麓下兩
廡少移近上東西啓聖明倫以次就理若拮据蓋
澀不暇計也翳北趾舊有元帝宮僕意欲爲尊經
閣而躋帝於閣上蓋有志而未逮畱俟後賢庶幾
遽伯玉耻獨爲君子之意云落成而記以詩曰於
惟宣聖久而彌肅東周海邦罔分種稊遠人翳池
禮樂是篤咸曰遷只卜南山峯經營相度二三子
功畚築栽榦江邊之氓僣僣棟榱里匠楚工不日
成之甲第漸鴻創始仲春迄於秋孟漆堊丹青愧
不克竟素質堅樸彌久而盛璧藻盈盈聿維初濬